

摘藻堂四庫全書薈要

集部

欽定四庫全書薈要

集部

劔南詩豪卷八十二

詳校官助教臣謝登雋



欽定四庫全書薈要卷一萬五千五百七十二

集部

劍南詩藁卷八十二

宋 陸游 撰

賞小園牡丹有感

維陽牡丹面徑尺廊時牡丹高丈餘世間尤物有如此

恨我總角東吳居俗人用意苦局促目所未見輒謂無

周漢故都亦豈遠安得尺簞為前驅

山陰距長安三千七百四十里距雒

陽二千八百九十里

山居

平生絕愛山居樂老去初心亦漸償
直道本知天可恃曠懷真與世相忘
徑穿脩竹衣巾爽盤設靈苗七箸香
但恨相逢無魯叟浩歌小試接輿狂

閒詠

蕭蕭華髮映烏巾五十年前故史臣
正使老來無老伴未妨閒處作閒人
按行池水知增耗點檢庭花見故新
更有菴中策勛事投床鼻息賒比鄰

又

事業無聞負聖時
滄波自照角巾歌
養成林下無窮嬾
占盡人間徹底癡
小麥繞村苗鬱鬱
柔桑滿陌棋纍纍
醫翁簪叟真堪友
搜索殘尊與共持

又

謝事歸來一把茅
村深樵牧日論交
未言客路塵衣化
最恨書窗鐵硯凹
戀戀故袍誰復念
便便癡腹敢辭嘲
卜居雖僻吾猶悟
失却岷山理鵲巢

又

白頭羈客更堪論
身寄城南桑竹村
一榻琴書春寂寂
四山霧雨晝昏昏
常情共笑門庭冷
好事虛推輩行尊
燒筍炊粳真過足
兒曹不用致魚飧

又

危途九折浩無津
晚幸收身作散人
俸祿既空憂患少
酒穀雖薄笑歌頻
多添布褐方知老
淨掃茆衡不覺貧
南陌東阡元在望
柴車嬾駕動經旬

讀樂天詩

放姬驚駭初何有常笑香山恨不攄輸與此翁容易死
一身之外更無餘

讀許渾詩

渾居丹陽丁卯
橋其詩丁卯集

裴相功名冠四朝許渾身世落漁樵若論風月江山主
丁卯橋應勝午橋

時鳥

日出鳴布穀月落鳴子規一氣之所感彼亦不自知
架

金方口人卷之二
卷八十二
犁最晚至適當農事時丁壯戴星出力作孰敢遲鳴者
既有警聞者得以思乃知失時輩強聒終何為百舌亦
能言今默乃其宜我作時鳥篇用繼幽人詩

齒髮歎

樂天悲脫髮退之歎墮齒吾年垂九十此事已晚矣髮
脫妨危冠齒墮廢大嚼晨興對清鏡何以慰寂莫造物
本無心豈欲使汝衰曷不望長空兩曜無停時

送春

新葉張翠幄落花作紅茵山蔬旨且柔家釀清而淳以
我垂老境送此將歸春我固惜流年春亦記陳人江山
處處佳風月日日新蹇驢度松岡短櫂橫煙津蘭亭人
已遠遺韻猶清真却下木柵市天風吹角巾

初夏

新綠陰中燕子飛數家煙火自相依童誇犢健浮溪過
婦閔蠶飢負葉歸地煥小畦花永長泥融幽徑藥苗肥
郊居樂事何勝數一醉旗亭又典衣

又

江鄉初夏暑猶輕
霽日園林有晚鶯
聊置尊壘師北海
盡除屏障學東平
綠槐露濕單衣爽
紅藥風翻病眼明
每感流年成絕歎
白頭自笑未忘情

初夏即事

夏景遽如許
先從草木知
朱櫻連蒂剪
紅藥帶花移
病起單衣怯
身閒晝漏遲
空齋無長事
簾影看參差

古壽人至聞五郎
頗有老態作長句
自遣

齒落髮斑兒亦老志衰力惰我寧悲埋盆便可為池看
折竹何妨作馬騎點誦內經莊叟語長歌半格白公詩
此身未死須安頓除却山村百不宜

郊行

春郊無處不堪行滿路人家笑語聲賣劍買牛知盜息
乞漿得酒喜時平西村日落川雲暝東嶺虹收海氣清
農事方興戒遊墮為君來徃主齊盟

小園

小園草木手栽培。衰丈清池數尺臺。拄杖倦時閒倚壁。
芳醪熟後喜傳盃。春蕪滿地鹿忘去。夏木成陰鷺自來。
堪笑山童慙飽食。時時走報一花開。

初夏雜興

隱趣與誰論。深居湖上村。避蘭寧改路。惜筍不開庭。
草饒生意。溪沙記漲痕。愁來時淺酌。隨事有雞豚。

又

避寂諸緣息。安貧百慮寬。嬾如常抱疾。退似本無官。皎

潔鶴翎扇嵯峨龜屋冠何勞問唐舉徹屋是清寒

又

咄咄無窮事騰騰暫寓身月生知改朔花盡覺經春市
開朝沽酒巫歌夜樂神興來隨衆出一笑不妨新

又

移花得微雨晒藥遇新晴悶裏家書到貧時糴價平身
方抱沉疾天乃相餘生莫恨村醪薄燈前與細傾

又

倦甚惟思睡閒來却要行疏泉入幽圃映樹硯流鶯藥
品從僧問琴材就客評轉頭還一日正爾送餘生

思子虞

里堠迢迢阻問津年光冉冉苦催人未能免俗予嗟老
豈不懷歸汝念親家釀湖蕣誰共醉江雲淮月又經春
新詩題罷無從寄獨倚危闌一愴神

偶思蜀道有賦

天回驛畔江如染鳳集城邊柳似搓萬事已隨流水去

一尊將奈夕陽何是非無定言何益窮達徐觀得孰多
幸有漁簑歸故里不妨高枕且酣歌

書意

養得山林氣較全此懷無處不超然日長琴奕茆檐下
歲晚江湖箬帽前天上下本令星主酒俗間妄謂世無仙
今年茶比常年早笑試西峰一掬泉

今年清明前數日
山中已有新茶

贈倪道士

羽衣暫脫著戎衣坐定方驚語入微歸隱玉霄應不出

他年容我扣巖扉

又

我坐虛名剗得窮百年身墮畏途中
看君一棹煙波樂悔不常為采藥翁

哭李孟達

舊交多已謝明時孟達奇才最所思
晚歲立朝雖小試平生苦學竟誰知
尊前一笑終無日地下相從却有期
慟絕寢門霜日暮短篇聊為寫餘悲

送黃文叔守福州

黃公天下士遇主紹熙年議論前修似聲名九牧傳巨
舟夷險濟拱壁始終全勇退先諸老榮歸總十連旌旄
照闕路冠蓋盛離筵內閣恩光重宸毫墨色鮮任方分
斧鉞歸即珥貂蟬病叟難為別臨期一悵然

初夏雜詠

揮袖謝人間一窗如海寬鹿麕為老伴松屑當朝餐自
悟達生理儘容非意干却嫌孤寂甚支竈學燒丹

又

病退身仍健年侵趣更高芳醪溢蜜盃短褐束鄱緇本
不營三窟何由挫一毫煙帆幾時掛長嘯破秋濤

又

屐路緣虛壁棋軒枕小灘玄言不媿藉熟睡却輸搏咄
咄書常嬾便便腹本寬山園時節好杏子已微丹

又

去日驚鑽燧窮途困負薪故人天末遠薄俗眼邊新踣

踽飄零客悠悠賸長身寸心知己矣端欲為誰陳

又

昔日江湖上飄然無定居頻傾京口酒亦食武昌魚北
首心空壯東歸憤不攄豈知牙齒落送老一茆廬

即事

萬里山河拱至尊羽林鐵騎若雲屯羣公先正不復作
故國世臣誰尚存河洛可令終異域芻蕘何自達脩門
王師一日臨榆塞破竹真看靖塞垣

漁扉

蜻蜓浦上一漁扉回首人間萬事非
賣藥山城攜鶴去看碑野寺策驢歸
偶因束帶悲腰減常為梳頭感髮稀
午睡定知無客攪曲肱閒看雨霏霏

郊居遇雨作
則無客至

山行見三十年前題名悵然有賦

百年村落半丘墟垂老經過一柅車
金石闕訛秦漢舊

謂秦始皇刻石
及禹窆上漢隸

山川勝絕晉唐餘醉題墨淡塵昏壁詩

社人亡淚濺裾名宦半生成底事
早時恨不學犁鉏

山房

柴門不掩俗人稀
成就山房一段奇
木葉最宜新雨後
鳥聲更盛暮春時
家貧屢罄緣耽酒
宿習猶存為愛詩
別有一條差自慰
木苗芎茁正離離

縱筆

兀兀一無為冥冥百不知
倦多惟嗜睡食晚遂忘飢
開卷渾如夢逢人不省誰
何須覓知識木石即吾師

又

一點湛空明居然萬事輕
菜元勝肉食車豈異徒行
幻境終何在金丹本自成
信能如是解土苴亦長生

又

薤草除枯葉勞人亦動心
無愁踈把酒習嬾罷彈琴
濯垢臨溪水追涼就木陰
常尋省力處外物孰能侵

又

夢事飽曾經靈臺了不驚
寃親同一妄魔佛兩皆平
應物如風過投床即鼾聲
晨興拂几硯猶恨太勞生

窗下戲詠

飛來山鳥語惺惚却是幽人半睡中
新竹成陰無彈射不妨同享北窗風

又

三尺清池鏡面平剪刀葉底戲魚行
吾曹安得如渠樂傍渚跳波過此生

又

何處輕黃雙小蝶翩翩與我共徘徊
綠陰芳草佳風月

不是花時也解來

埭西小聚

瓦盎盛蠶蛹沙甌煮麥人三家小聚落兩姓世婚姻父
老衣冠古問問風俗淳不應陶靖節獨號葛天民

老歎

步遲腰偃僂面瘦骨崢嶸貧病消前業畊樵樂太平有
歌悲易水無酒醉湖城何許容身得門前釣艇橫

衰甚書感

髮殘不勝冠齒墮欲廢嚼譬如亭臯木秋至葉自落豈
惟形骸變意氣已非昨床隅倚拄杖壁上掛雙屨經旬
不出戶薄飯羹藜藿居然遠霜露因得養腰脚年衰固
應死延促未可度人之生實難壽終固為樂開卷思千
載閱世等六博志士有蹈海儒生亦投閣何如釀濁醪
遇興時獨酌半酣望青天萬事付一噱

山行過僧菴不入

垣屋參差竹塢深舊題名處嬾重尋茶壚煙起知高興

碁子聲疎識苦心
淡日暉暉孤市散
殘雲漠漠半川陰
長吟未斷清愁起
已見橫林宿暮禽

山行

閒人日日得閒行
况值今朝小雨晴
水淺遊魚渾可數
山深藥草半無名
臨溪旋喚罾船渡
過寺初聞浴鼓聲
小醉未應風味減
滿盤青杏伴朱櫻

夜窗

性中汝本具光明
蔽障除時道自成
手刈茆苫數椽屋

身鉏菜煮一盃羹天人迭勝誰能測禍福無常不待評
惟有吾心終可恃夜窗袖手聽松聲

送邢芻甫入閩

兩窮相值每相憐聞子南遊一愴然莫道此行非久別
衰翁何敢望明年

又

君行正及荔枝丹想見臨觴為破顏此外但宜烹茗雪
傷生不用擘蠓山

從邢芻甫求桃竹拄杖

拄杖當年盛得名一枝尚覺百金輕
老人不復須春草只要攜渠處處行

老雞

老雞擁腫不良行將旦猶能效一鳴
碓下糠粃幸不乏何妨相倚過餘生

還東

還東寒暑幾推移漸近黃梅細雨時
窗下興闌初掩卷

花前技癢又成詩囊錢不貯還成癖官事都捐未免癡
賴是病軀差勝舊一盃藜粥且扶衰

行東山下至南巖

穿林了不厭崎嶇邂逅幽懷得少攄昔媿出山成小草
今知流水羨遊魚呦呦馴鹿隨輕策泱泱流泉入野渠
坐覺塵襟真一洗正如頭垢得爬梳

書幸

謀身從昔本迂疎豈料餘年却晏如盤箸無時闕鮭菜

道途隨事有舟車故衣已敝月三浣短髮雖殘日一梳
里巷浮沉亦何憾見賢猶及渡江初

放言

酒熟固可喜酒盡亦陶然有客則劇談無客枕書眠飢
啜羹不糝閒玩琴無弦摘嗅砌下花掬弄澗底泉啄木
抱壺拊搏黍鳴桑顛欣然為一笑世故何足捐無人罵
鄭虔亦無嘲孝先回顧三角童吾與汝忘年

晚步門外

槐葉已成陰
楸花亦離離
日莫門無人
迨我消搖時
左持漆園書
右挾栗里詩
風從湖面來
成此一段奇
石路雖甚狹
雅稱拖筇枝
少頃山月明
照我角巾歌

夏夜

風便更漏明
室虛蟲蚋靜
筋骸日益衰
厭事樂幽屏
清燈北窗下
突兀寫孤影
進學無新功
賦詩聊自警

甕池

甕甕東
階下濫濫一石水
買魚畜其間
鱖鱖三十尾
力

微思及物為惠止於此無風水不搖得志魚自喜涵泳
藻與蒲永不畏刀几飯罷時來觀相娛從此始

種菜

菜把青青間藥苗豉香鹽白自烹調須臾徹案呼茶碗
盤箸何曾覺寂寥

又

老農飯粟出躬畊捫腹何殊享太烹吳地四時常足菜
一番過後一番生

又

白苣黃瓜上市稀
盤中頓覺有光輝
時清閭里俱安業
殊勝周人詠采薇

又

引水何妨藝芥菰
圃功自古補三農
恨君不見岷山芋
藏蓄猶堪過歲凶

白首

白首歸來老故園
索居情味更堪論
關河悠邈夢魂到

親舊凋零書札存身病自憐詩思退家貧客笑酒醅渾
昏昏只欲投床睡兒勸孫扶強出門

東窗遣興

巷陌過從少園林景物新羣魚時戲藻馴雉每依人映
戶槐陰密堆盤麥餌珍殘春又陳迹撫事一傷神

又

巾屨長閒客簾櫳薄暑天巢空重乳燕葉密未鳴蟬壺
箭看多算圖書理斷編悠然已日夕却上采菱船

又

夏淺清陰滿村深白日長言多思寂默酒醒悔猖狂老
馬漫知路鈍錐寧處囊此翁真耄矣嬾放亦何傷

北窗

晏嬰長不滿五尺淳于飲能至一石老無功名未足歎
滑稽玩世亦非昔當年交友傾一時誰料蓬門今寂寂
陳山李石千載士早死當為天下惜斯文顯晦端有命
道悠運促非人力我今稽山一老農百歲不死知何益

後生可畏要有人誰能隱若一敵國狂言勿發心自驚
歸卧北窗還默默

小酌

偶向東園把一盃不辭團坐埽蒼苔野花經雨自開落
山鳥穿林時去來皂白正非天欲辨青黃要與木為災
今年秋後猶能健賸乞梅栽與李栽

夏日

暑雨初晴晝漏遲江鄉樂事有誰知村村墾麥登場後

戶戶吳蠶坼簇時

又

齒髮凋零奈爾何年光暗裏易消磨
街槐正喜清陰密巷柳還驚蠹葉多

又

竹根斷作眠雲枕木癭剜成貯酒尊
怪怪奇奇非著意自無俗物到山村

又

動身尚嬾那堪事學古無成罷讀書枕上側眠聽語燕
池邊小立看遊魚

又

悶欲遠遊身苦嬾病思閒話客誰過北窗一枕差堪樂
無奈茶盃作祟何

又

黃葛蚊厨睡欲成高槐陰轉暑風清倚床奴子垂頭坐
揺手孫兒小步行

又

斲取溪藤便作香煉成
崖窰旋煎湯蕭然巾屨茅堂上
不畏人間夏日長

又

謝客捐書日日閒
行穿密竹卧看山
巖前恨欠煎茶地
安得茆茨一小間

又

蘋生洲渚微風起
梅熟園林細雨來
咫尺柴門常嬾出

不教拄杖損蒼苔

又

側卧橫眠百不知
軒窗寂寂雨絲絲
豈無布襪青鞋興
過却梅天出未遲

又

幽花姪姹開還歛
小蝶翩翾去復留
貪睡畸翁俱不領
被人錯喚作閒愁

又

山下柴荆晝不開
苔生古井暗楸槐
新詩哦罷閒無事
移取藤床睡去來

睡起

不恨無人到野堂
惟將美睡富年光
風經荷葉翻翻綠
雨濕松枝細細香
薄俗空成士
龍笑長歌未盡接興狂
掬泉弄石翛然晚
又得今年一夏涼

雨中作

湖曲雨淒淒
茆檐觸額低
衡門元少客
窮巷況多泥
解

渴黃梁粥嘗新白苣虀吾生真自足不恨老鉏犁

感物

物情豈願歲時邁一氣潛移不自由日出鵲鳩還喚雨

夏初蟋蟀已吟秋

今年四月
聞蟋蟀鳴

又

小園清曉岸綸巾物態年光日日新綠葉自生黃自落
不應秋至始愁人

舟中有賦

一枝柔艣聽咿啞炊稻來依野老家山寺日中齋鼓動
江樓風急酒旗斜綠稍嫋嫋搖新竹翠蔓離離熟早瓜
閒客去留隨所遇不知何處送棲鴉

晨起獨行綠陰間

楸槐陰裏漏朝暉芳草離離露漸稀不恨過時嘗煮酒
且欣平旦著生衣病逢鍼藥如差減貧比簞瓢尚庶幾
惟是未能忘習氣亂書隨日又成圍

獨至遜菴避暑菴在大竹林中

赤日黃塵厭垢紛竹林深處寄幽欣如聽嵩雒風前笛
似看瀟湘雨後雲園鹿知時新解角池魚得意自成羣
悠然一笑誰能識坐勝天魔百萬軍

又

世俗元非不汝忘汝歸安取醉為鄉藥苗野蕝山家味
栢子松房道室香一卷隱書為日課數聲啼鳥謝年光
客來莫笑茆茨陋占盡炎天一味涼

短歌行

上樽不解散牢愁靈藥安能扶死病千鈞强弩無自射
虛空六出奇計終難逃定命人生斯世無別巧要在遇
物心不競憂忘寢食怒裂眦孰若憑高寄孤詠炎天一
葛冬一裘藜羹飯糗勿豫謀耳邊閒事有何極正可付
之風馬牛

山寺

路盡初逢寺行行獨叩扉民貧稀送供僧老少完衣日
正樓鐘動溪深藥草肥吾衰亦久矣捨此欲疇依

明日復欲出遊而雨再用前韻

小艇爭浮浦幽人獨倚扉新泥添燕壘細雨濕鷺衣甚
紫桑新暗秧青水正肥欣然語鄰父投老得相依

暇日登東岡

雙屨青芒滑輕衫白苧涼雲生半巖潤麝過一林香童
子持碁局厨人饋粟漿歸來更清絕淡月滿林塘

暴雨

黑雲如龍爪白雨如博碁老屋處處漏此夕將何之豈

惟移床避殆欲懸釜炊擾擾舍中人具食不以時兒女
乃可憐赤脚啼午飢語兒姑少忍開霽會有期

幽事

衰翁喜幽事闔戶不升堂酒僅三蕉葉琴纔一履霜

東坡

自能飲三蕉葉范文正公酷好琴
止彈履霜一曲時謂之范履霜好遊力不給愛客病

相妨獨有詩情在年來亦漸忘

又

野館多幽事畸人無俗情靜分書句讀豆戲習酒章程

藥褚藏難見
棊枰算未成
悠然寄孤歎
吾豈固逃名

劍南詩藁卷八十二

欽定四庫全書薈要卷一萬五千五百七十三

集部

劍南詩藁卷八十三

宋 陸游 撰

病起雜言

國不可以無菑肯身不可以無疾疾無菑之國亂或更
速無疾之身死或無日昆夷獫狁無害於周之王闢土
富國無救於隋之亡壯夫一卧多不起速死未必皆羸
疴古來惡疾棄空谷往往更得度世方我年九十理不

長況復三日病在床天公念之亦已至儆戒不使須臾
忘起居飲食每自省常若嚴師畏友在我傍躋民仁壽
則非職且為老憊鍼膏肓

雨後

小築濤江外微涼暑雨餘傾囊致歡伯信脚到華胥芳
草翩翩蝶清池潑潑魚此翁雖耄矣作計未全疎

又

一夜茆檐雨晨興乃爾涼禽魚皆遂性草木自吹香微

潤生琴薦纖塵避筆床悠然北窗興真欲傲羲皇

示客

久泛煙波不問津騰騰且復養吾真每持盃酒呼江月
殊勝征衣化路塵半枕何人遊蟻蛭立談為汝脫狐身
挂帆莫恨瀟湘遠是處相逢一笑新

蒸溽作雨排悶

柱礎生微潤簾櫳轉薄陰蟻遷都邑改鳩逐怨恩深
菡萏新離水芭蕉半展心掩屏惟熟睡誰與續愁吟

夏中雜興

梳髮高春後投床甲夜初語黯愁對客手倦怕催書美
睡那思覺甘餐不願餘更應慙造化無事到幽居

又

小響風吹葉微痕雨點池興來閒弄笛客散自收碁忽
忽尋殘夢時時足小詩出門俄已莫忘却野人期

又

出赴盟鷗社歸尋夢蝶床愚為度世術閒是養生方休

歌書中癖消磨酒後狂遠遊亦已矣不復解輕裝

又

處世如灰冷持心似砥平盤飧無宿戒香火有常程
樵父供藜杖陶人售瓦甓經旬常苦雨嘯傲送餘生

又

心慕羲農世躬行黃老言采椽聊築舍橫木即為門
短髮冠龜屋空床枕竹根從來薄世味染指肯嘗鼈

又

遣信邀隣父隨宜具小殮草燔豚肉美氣壓酒醅渾易
致商山皓難招楚澤魂嗟予亦衰矣心事與誰論

即事

翁自析薪兒負薪一生不似此年貧折除却得常强健
天定方知果勝人

又

楸垂落索槐吐花溪女採蓮童抱瓜一年光景又將半
愈老愈知生有涯

又

煙雨淒迷晚不收
疎簾曲几寄悠悠
一雙蛺蝶來何許
點盡青青百草頭

又

生來骨相本酸寒
天遣沙頭把釣竿
但稱山人擲耳帽
敢希楚客切雲冠

又

魚鱗羣出天將雨
鼃黽爭鳴草滿庭
莫道歸休便無事

時時發襖伴園丁

又

幽鳥飛鳴翠木陰
小魚遊泳綠波心
滿前好句無人領
堪笑寒窗費苦吟

又

小閣憑欄望遠空
天河橫貫斗牛中
他年鼓角榆關路
馬上遙看與此同

又

幽鳥呼人出睡鄉
層層露葉漏朝陽
臨池只欲消殘醉
無奈鵝兒似酒黃

夏日幽居

赤日黃塵一點無
負山臨水是幽居
爽如瑞露零仙掌
清似寒氷貯玉壺
孤艇過時驚宿鷺
濕煙深處亂風蒲
倏然欲棄人間去
天際聯翩誰與俱

枕上

小疾知閒樂
微涼與睡宜
瞢騰如欲覺
展轉復多時
四

壁人聲寂踈簾日影移詩囊與藥裹一步不相離

題望海亭亭在卧龍絕頂

瑞龍千丈何蜿蜒蒼鱗翠鬣翔江邊路逢鏡湖乃下駐
玩珠不去知何年七州元帥擁畫戟全家終日樓居仙
霜筍一曲入銀漢碧瓦萬疊浮嵐煙其間望海最傑觀
踈達坐占蓬萊先風雲變化几席上蛟鼉出沒闌干前
手捫心房倚北斗眼中萬象俱森然尚書喚客共領畧
遠坊十里聞管弦從容賦詩出妙思超絕欲拍微之肩

坐中有客垂九十追逐無路空自憐
夜闌客散公歸院
笙歌隱隱在半天向來老客今何處
菱唱三更起釣舩
露坐小隱

寂寂柴門閉嫩苔門前有路走天台
近秋河漢西南落
欲雨風雲東北來旋摘甘瓜青帶蔓
新筠玉醴冷傳盃
亦知野外無供給且復相逢笑口開

小憩卧龍山亭

山高風浩浩堂豁海冥冥綠李分猿
噉蒼苔墮鶴翎松

寒詩思健茶爽醉魂醒
安得丹青手傳模入素屏

晚涼

笛簟平鋪八尺床
脫巾高卧對疎簷
近村得雨知何處
此地無風亦自涼

夏日六言

退士自應客少幽居不厭
椽低未說盤堆玉膾且看
白搗金蘂

又

醉面貪承夕露鈞竿喜近秋風借問歸舟何處深入笑
蘅浦中

又

溪漲清風拂面月落繁星滿天數隻船橫浦口一聲笛
起山前

又

我是百年遺老埽空一夢浮名未到終南二華且入天
台四明

招客看山

今日清明宜看山約君來上釣魚船
微雲點破尚堪恨何況城中塵漲天

舟中作

平生剩有煙波興釣瀨時時小艇橫
欲算山光先慘淡未秋河漢已分明
捕魚時見連江網迎荻遙聞過埭聲
想得今宵清絕夢又攜猿鶴上青城

清暑

穿竹清我魂散髮吹我頂虛窗聽鳴蟬小檻看汲井埽
地長物空漱泉齒頰冷厨人具漿粉童子鬻山茗微雲
未必雨且喜收樹影殘書置不視樂此清晝永既夕即
榜舟門外綠千頃世事何足論平生慕箕顓

五月下旬大熱晦日夜得雨明旦涼甚

一雨瀟然洗睡昏清晨屣屨自開門豈惟爽氣生山袂
坐覺涼颼入髮根浦口魚多來野鶴林梢果熟下山猿
吾廬清絕君知否釣雪寒江不足言

黃氏冲和堂

冲和堂中和氣襲堆笏滿床羣從集宜州太史一紙書
百年筆墨猶山立使君所學何超然要是胸中不負天
王畿奉使纔廿日忠厚風流天下傳國家多事民力困
正要設施先百郡但令一念與天通河南南陽亦可問
暴雨

蒼龍挂東南天矯擎萬仞雖然雜雲氣爪尾畧可認明
日暴雨來繼以雷大震平地成江河吞卷纔一瞬吾廬

久傾壞不壓真董董所欣顛顛中一飽天不吝餘功到
場圃草木皆綠潤蕭然岸角巾三歎撫庭楯

書意

策蹇若驂駟歎滴如上尊人皆可堯舜身自有乾坤逢
客亦共語無人還閉門千年道術裂誰復見全渾

又

養生慕黃老為治廢唐虞耆壽緣憂懼危亡坐燕娛大
川宜利涉蔓草戒難圖退士惟身慮銘膺豈敢無

又

委順天知我經營鬼笑人定知窮至死敢恨病經旬愛
酒陶元亮還鄉賀季真扁舟吾事畢遺世亦遺身

浴罷

浴罷淡無事出門隨意行相如知渴減叔寶覺神清新
月參差影殘蟬斷續聲躊躇遂忘去風露欲三更

水鄉泛舟

終朝流汗浹衣襟恨望何時枕簟秋作雨未成徒益熱

舉盃不醉更添愁悲歌易水輕燕俠對泣新亭笑楚囚
別有生涯君會否煙波無際弄孤舟

又

赤日黃塵不自聊泛溪且用沃枯焦隔林犬吠村墟近
掠面風來酒力消遠火微茫知夜績長歌斷續認歸樵
扁舟不盡凌風興却著青鞵踏野橋

閒詠

平生到處足間關天遣殘年樂故山社日連村饜酒肉

豐年無盜伏，茆管秋來梁。燕將雛去，雨過林鳩喚婦還。
我亦葛衣新浴罷，為君滿意說清閒。

江樓夜望

江樓百尺倚高寒，上盡危梯宇宙寬。
秋近漸看河落角，天回更覺斗闌干。
茫茫浦口煙帆遠，坎坎城頭漏鼓殘。
要得故人同躡屐，一尊相屬話悲歡。

連日作雨苦熱

天地一氣爾，陰陽司闔開。
鬱蒸以為雨，回薄以為雷。久

鬱無所泄造化安在哉方其欲雨時雖天不能回此豈
降自天其實有自來所以屈宋輩千載有餘哀

門外追涼

羽扇綸巾一味涼曠懷非醉亦非狂橫林點點暮鴉集
平壟離離新稻香山月出時閒弄影水風清處旋移床
學仙到此無餘說更覺金丹墮粃糠

夏夜泛溪至南庄復回湖桑歸

不求奇骨可封侯但喜枯腸不貯愁數點殘燈沽酒市

一聲柔艣採菱舟元知澤國偏宜夜已就天公探借秋
歸過三更風露重紗巾剗覺髮飈飈

雨後殊有秋意

天地新秋入苦吟詩書萬古付孤斟愛君憂國孤臣淚
臨水登山節士心只歎鼻端無妙斲豈知絃外有遺音
剗中勝踐今猶昔安得高人支道林

寓規

百疾皆有源雖愚猶自知惟其忽不念所以悔莫追微

隙為無傷一壞誰能支宴安比鴆毒先民不吾欺

又

分量各有窮升餽不受斗滿盈靡懷懼覆敗乃自取衣
笥無複裋食案有三韭貧狹雖可強比汝差耐久

又

人生孰無疾治疾惟欲瘳疾瘳藥不止乃有過劑憂節
食戒屬饜養氣常致柔金丹無此功徃哉勤自修

新涼

儘道新涼好無如晝漏長
竒文窺楚屈妙理玩蒙莊
靜卧貧猶樂高歌醒亦狂
翩翩雙蝶子也似惜年光

又

月入楸梧徑風生蘆荻林
脫巾涼入髮臨水爽披襟
寒暑推移久江湖感慨深
功名雖已矣猶得寓孤吟

追涼至安隱寺前

枕石何妨更漱流一涼之外
豈他求寺樓無影月卓午
橋樹有聲風變秋殘歷半窗
心悄愴岸巾徐步髮飈颺

定知從此清宵夢常在沙邊伴白鷗

湖上夜賦

冉冉秋將至沉沉夜向晨
河隨天漸轉露洗月如新
瘦竹過眉杖輕沙折角巾
漁歌四面起煙水浩無津

又

清絕追涼地平生得未曾
似嘗仙掌露如嚼玉壺冰
狂學菱舟曲閒尋竹院僧
更思生羽翼散髮醉巴陵

書適

萬事寵經營悠然心太平甘餐隨日足美睡等閒成處
處佳風月人人好弟兄神仙不須學券內有長生

羸老

羸老幸未死敢嗟生理微牛閒牧童卧犬吠市船歸月
落見收網燈青聞踏機時時語鄰里井臼幸相依

即事

臯夔無近用芝朮少竒功上壽當徐致沉疴忌力攻醫
傳三世久事歷百年中畏與庸人說終身托病聾

晚興

竝簷幽鳥語璉瓏一榻蕭然四面風客散茶甘留舌本
睡餘書味在胸中浮雲變態吾何與腐骨成塵論自公
剗欲與君談此事少須明日出溪東

郊行

淒風吹雨過江城緩策羸驂竝水行古路初驚秋葉墮
荒郊已放候蟲鳴壯心耿耿人誰識往事悠悠恨未平
斜日半竿羌笛怨西陵寂寞又潮生

喜雨

雨氣侵人暮不休
雨聲逼枕冷飕飕
方欣草木有生意
已報溝池無涸流
避濕入簷憐病鶴
爭巢逐婦歎鳴鳩
老農自喜知時節
夜半呼兒起飯牛

劉道士贈小葫蘆

葫蘆雖小藏天地
伴我雲山萬里身
收起鬼神窺不見
用時能與物為春

又

貴人玉帶佩金魚，憂畏何曾頃刻無。
色似栗黃形似繭，恨渠不識小葫蘆。

又

短袍楚製未為非，況得藥瓢相發揮。
行過山村傾社看，絕勝小劍壓戎衣。

又

箇中一物著不得，建立森然却有餘。
盡底語君君豈信，試來跳入看何如。

自傲

學當盡力去浮華從事文辭但可嗟造道淺深看應物
修身勤惰驗齊家

雨中

孤村風雨連三日秋暑如焚一洗空睡覺房櫳燈漸暗
却尋殘夢雨聲中

書歎

遺蝗出境樂秋成多稼登場喜雨晴暗笑衰翁不解事

猶懷萬里玉關情

又

雨夜孤舟宿鏡湖
秋聲蕭瑟滿菰蒲
書生有淚無揮處

尋見祥符九域圖

祥符中曾詔王
曾等修九域圖

題畫薄荷扇

薄荷花開蝶翅翻
風枝露葉弄秋妍
自言不及狸奴黠
爛醉籬邊不用錢

又

一枝香草出幽篁雙蝶飛飛戲晚風莫恨村居相識晚
知名元向楚辭中

秋興

誰敢輕他萬戶侯一生賦分在滄洲屋穿況值雨騎月
俗謂二十四五間雨為騎月雨主霖霖不止路惡更堪風打頭此世極知同

逆旅吾身亦自是懸疣乞錢買取青芒屨爛醉三條二
華秋

又

歛盡殘雲見夕陽
門前攏棹漸登塲
經年都得幾回醉
一雨頓經如許涼
耐事尚能心似鐵
放歌仍忘髮成霜
頭生底用從人問
此是山翁肘後方

又

五十年來住鏡湖
白頭仍是一臞儒
朝眠每恨妨書課
秋穫先令入酒逋
江路伶俜形弔影
草菴寂默我忘吾
雨窗忽有高談興
簪叟醫翁亦可呼

又

世事何曾掛齒牙只將放浪作生涯有時掬米引馴鹿
到處入林求野花鄰父築塲收早稼溪姑負籠賣秋茶
等閒一日還過却又倚柴扉數算鴉

晝睡

體中小不佳惟睡可以休睡美自成夢去為萬里遊萬
里遊尚可乃復有得喪漂搖一葉舟掀舞千里浪午雞
忽驚起向夢安在哉童子解原夢篝火具茶盃

得子虞濠上書

日暮坐柴門懷抱方煩紆鈴聲從西來忽得濠州書開
緘讀未半喜極涕泗俱父子老惜別况經患難餘羈旅
易生疾霜露行載塗思歸雖甚苦且復忍須臾
時濠州軍亂子虞適來攝通判身率將士力戰平之

庭草

階前西風搖百草鬱鬱逢秋殊未槁雪霜要當次第來
恰似人生怕衰老百草榮悴則有時人於養生當自知
金丹九轉儻未辦簡飲冲默真吾師攝調小失豈遽死

二豎眉端先溢喜但令神氣常守形莫畏夢中呼起起
文章

文章本天成妙手偶得之粹然無疵瑕豈復須人為君
看古彝器巧拙兩無施漢最近先秦固已殊淳漓立部
何為者豪竹雜哀絲后夔不復作千載誰與期

秋日遣懷

離離上藥苗鬱鬱靈芝榮我昔逢異人瑣細皆能名擊
石以取火薪桂持煎烹五雲夜覆鼎談笑得長生

又

胸中何所有世界如河沙區區吞雲夢何至為客誇初
見賣苑冰青門已無瓜天河正不遠秋風樂客槎

又

西來浮濤江東眺俯鏡湖其中縣千里鬱鬱桑麻區禹
葬有遺窆粵亡無故墟秋風吹短褐望古空踖躅

又

野風聲如潮溪水色可染浮雲時翳日亦作雨數點行

歌雖放浪未至越繩檢蕭然茅三間送老此山崦

又

秋夜坐東窗殘雨時一滴四壁無人聲心境兩虛寂吾
方遊物初超然謝形役一毫儻未盡何往非勗敵

又

自我歸故山不知歲月徂念雖迫霜露憂國猶區區老
不能上疏秦階陳六符安得子元子同歌于蓑于

又

今年秋氣早風露應時令晨起喚熟衣殘暑已退聽松聲滿庭戶蕭然失衰病人衆何足言天固不可勝

又

晨几手作墨午窗身磴茶豈惟要小勞亦以禦百邪兒童不解此傾心逐紛華君看如山禍萌在一念差

自做

惡石從來豈汝仇安居無患却堪憂不須更守庚申夜留取三彭傲情偷

又

世事如雲日日新
瓦盆黍酒却關身
細思只有窮居好
寄語玄翁莫逐貧

生世

乾坤成毀由來事
生世真同黍一炊
嗟我已過三萬日
餘年有幾自應知

秋雨

山深草木久已荒
晝昏風雨殊未止
看書不覺向壁卧

煎茶欲罷推枕起清心正付竹鑪香漱齒每挹巖泉水
與世不諧元有命閉門自適嗟可喜少年癡絕晚乃悟
束縛珠襦均一死悠然袖手倚蒲團洗盡玉闌心萬里
思蜀

西遊陳迹浩無窮回首真同一夢中柳拂驛牆思鳳集
鼓喧市里憶蠶叢故人丘壠秋蕪碧舊隱園林夕照紅
自閔未能忘感慨浩歌彈劍送飛鴻

病思

短髮蕭蕭不滿簪更堪衰疾日侵尋數匙淡飯支殘息
一篆清香印本心小徑古苔遺鶴毳空堂壞甃有蟲吟
悠然更起扁舟興秋水門前五尺深

術家言予今歲畏四孟月而秋尤甚自初秋小疾
屢作戲題長句

一生強半卧窮閭糲飯藜羹似蜜甜耄齒覺衰嗟已晚
孟秋屬疾信如占危途本自難安步惡石何妨更痛砭
堅忍莫為秋雨歎牽蘿猶足補茅苫

秋夕書事

垂老雖堪歎為謀亦未踈悶賒鄰巷酒閒讀後身書大
嚼寧須肉徐行可當車秋來歡喜事菽粟有新儲

又

點點秋燈晚翻翻宿鳥還雨添羈枕睡書伴小窗閒僧
閣荒寒外漁村縹緲間畫工今代少誰為寫家山

小疾

小疾有根底忽之當日深養苗先去草省事在清心蟻

夢能看破狐妖可坐擒一盃藜粥罷聽雨擁秋衾

又

老不禁當病經旬卧一床亦知非疥癬幸未至膏肓水
落灘初出秋深草漸黃非關畏人事晚歲合深藏

又

避人便小疾省事喜閒身竝海魚鹽聚入秋風雨頻元
知器苦窳空有膽輪囷轅飯聊同飽知君不笑貧

病中作

此事明明在默身一身元有一乾坤不憂豎子居育上
已見真人出面門力守誰能發底火深潛自足美靈根
用功若到無功處千載稟雲不足言

縱筆

天下本無事吾生行且休關心惟酒盞入眼獨漁舟雁
過三湘曉雲開二華秋慙勤驛樓柱小草記曾遊

又

相馬失之瘦知人良獨難雖居環堵室未廢切雲冠莫

雨潼關暗秋風渭水寒深蕪埋壯士千古為悲歡

劍南詩藁卷八十三

謹案卷八十二第四頁前六行童誇犢健浮溪過
刊本犢健訛健犢據宋詩鈔改

第四頁前八行郊居樂事何勝數刊本郊訛却據
宋詩鈔改

卷八十三第十七頁後七行向夢安在哉刊本安
在訛在安今改

第二十一頁前六行鼓喧市里憶蠶鼓刊本里訛
裏據唐宋詩醇改



總校官庶吉士臣張能照

校對官編修臣裴謙

謄錄舉人臣洪道濟

欽定四庫全書會要

集部

劔南詩豪卷八十四



詳校官助教臣謝登雋

欽定四庫全書薈要卷一萬五千五百七十四

集部

劍南詩藁卷八十四

宋 陸游 撰

自立秋前病過白露猶未平遣懷

門令荒車轍囊空別醉鄉嬾行眠亦好倦話默何傷野
叟占幽夢山僧送祕方病懷雖忽忽隨事會年光

又

飢能堅志節病可養精神不動成羆卧微勞學鳥伸功

名知幻境憂患笑前身藥裹吾何厭秋燈作夢新

聖門

聖門妙處不容思千古茫茫欲語誰
晞髮庭中新沐後舞雩沂上詠歸時
研求豈足窺微指博約何由遇碩師
小疾埽空身尚健蓬窗更作數年期

書齋壁

幅巾短褐野人裝洗盡黃塵早算忙
地僻漁扉常隱翳身閒靈府自清涼
雨中鬱鬱垣衣綠澗底纖纖石髮長

老憊只思眠，跼壁一尊到手又成狂。

病後小健戲題

行年九十未龍鍾，慙媿天公久見容。
醉解病人詩解瘦，不如世世作春農。

新晴

雨葉玲瓏曉日明，經旬風雨得初晴。
歌眠歇盡人間念，時聽幽禽一兩聲。

夢中作

征途遇秋雨數士集郵亭酒拆官壺綠山圍草市青劇
談猶激烈瘦影各伶俜四海皆兄弟悠然共醉醒

又

一客若蜀士相逢意氣豪偶談唐夾寨遂及楚成臯

二者

皆所論事頓洗風塵惡都忘篝轡勞蟬嘶笑餘子辛苦學離
騷

疾小愈縱筆作短章

治疾如治盜要使復其常藉曰用戈矛全之寧欲傷彼

盜皆吾民初非若燒當奈何一朝忿直欲事毆攘毆攘
雖快心少忍理則長華陀古神醫煎浣到肺腸取效雖
卓犖去死真毫芒君審欲除盜惟當法龔黃撫摩倘有
道四境皆耕桑我亦以治疾不減玉函方

病少愈偶作

蕭條白髮卧蓬廬虛讀人間萬卷書遇事始知聞道晚
抱疴方悔養生疎高門赫赫何關我薄俗紛紛莫問渠
羸疾少蘇思一出夕陽門巷駕柴車

又

病入秋來不可當便從此逝亦何傷百錢布被歛手足
三寸桐棺埋澗崗但恨著書終草草不嫌徂歲去堂堂
今朝生意纔絲髮便擬街頭醉放狂

書生

書生事業苦難成點檢常憂害至誠夢寐未能除小忿
文辭猶欲事虛名聖言甚遠當深考古義雖聞要力行
漢室陋儒吾所斥若為青紫勝歸耕

古驛

古驛橋邊艇子橫
每因羈旅愜幽情
窗間月落無花影
枕上潮來有舫聲
舊友凋零歸夢想
新詩邂逅得天成
今朝有喜君知否
秋雨晴時小疾平

夜讀劉伯倫傳戲作

生本無心死可知
徐徐掩骨未回遲
一奴僅可供薪水
那得閒人荷插隨

湖上晚望

閒人無處破除閒待得漁舟一一還峰頂夕陽煙際水
分明六幅巨然山

村居即事

西成東作常無事婦饁夫畊萬里同但願清平好官府
眼中歷歷見幽風

又

炊甑生塵榻長苔柴門日晏未曾開載醪問字今牢落
猶有鄰翁裹飯來

又

長笛園聲曲調新東家西舍送迎神
不因豐歲人情樂
淡殺溪頭老病人

夜興

夜闌扶策繞中庭雲罇三三兩兩星
安得南風捲雲盡
爛然河白映天青

夢華山

路入河潼喜著鞭華山忽到帽
裙邊洗頭盆上雲生壁

腰帶鞵前月滿川丹竈故基誰復識白驢遺跡但相傳
夢魂妄想君無笑尚擬今生得地仙

寓歎

窮居諳世故了了不如昏萬事慵挂眼終年思杜門雲
閒忘出岫葉落喜歸根熟計惟當醉寧論脫瓦渾

又

小隱終非隱休官尚是官早知農圃樂不見道途難故
國雞豚社貧家菽水歡至今清夜夢猶覺畏濤瀾

又

事外癡頑老人中臍長身開顏時賴酒閉口不言貧淡
話常終夕閒遊動歷旬漁翁偶相遇疑是武陵人

又

老閱市朝久紛紛長厭看人紆綬紫艾家擁轂朱丹不
羨官曹熱惟憐眼境寒東塗與西抹感舊一長歎
嘉定己巳立秋得膈上疾近寒露乃小愈

獨立溪橋看落暉殘蕪漠漠蝶飛飛從來澤國秋常晚

歎息衰翁已衲衣

又

今年病老遂難禁
二豎奔逃豈易尋
風雨三更僮僕睡
自持殘燭檢千金

又

窮銷壯歲功名志
病過新秋賞詠時
自古世間如意少
天公寧肯為君私

又

小詩苦思憑誰賞綠酒盈尊每獨傾老境情悰例如此
不須惆悵感餘生

又

一枕鳥聲殘曉夢半窗竹影弄新晴屏深室煥秋垂老
粥美蔬香疾漸平

又

半飢半飽隨時過無客無書盡日閒童子貪眠呼不省
狸奴戀煥去仍還

又

粥香可愛貧方覺睡味無窮老始知要識放翁真受用
大冠長劍只成癡

又

小詩閒淡如秋水病後殊勝未病時自翦矮牋謄斷毫
不嫌墨淺字傾歌

又

八月吳中風露秋子鵝可芻酒新篘老人病愈鄉間喜

處處邀吟共獻酬

又

清泉白米山家有鹽酪猶從小市求寸步須扶本常事
細書妨讀却閒愁

又

束書不觀萬事休誰令識字惹閒愁胸中作祟知何物
不是當年老督郵

又

客疾無根莫浪憂今朝埽盡不容留飯囊酒瓮非吾事
只貯千巖萬壑秋

病中卧聞春聲

丘嫂羹存先憂釜山僧齋竟始鳴鐘孰知造物獨憐我
一日未嘗無夕春

又

妄想說梅猶止渴真聞春米固忘飢未論炊熟香生甑
已覺杪來雪滿匙

病小減復作

一身真賸長兩月抱沉緜吟作楚人語聾成山字肩灾
從季主卜藥欠宋清錢彌老彌堪笑藜羹且信緣

又

衛養元無術衰殘只自悲扶行十步地強作一炊時枕
籍漆園語呻吟栗里詩灾年未易過那敢望期頤卜者言今

秋來春昏灾
過此壽未艾

又

晨粥半茶碗秋來一布裘酒惟詩裏見山向夢中遊卜
繇兒能測藥方僧為求重陽無半月尚泥菊花不

病思

水碓舂粳滑勝珠地爐燔芋軟如酥老來自愛盤飧美
安得高人共破除

又

殺物求君舌本肥是非豈復待深思即今不足何時足
小甌香粳日兩炊

又

江上秋風蘆荻聲魚蝦日日厭煎烹病來作意停鮮食
留得青錢買放生

又

行攜馴鹿寄消搖共飽山蔬與藥苗本自入山緣服玉
不應忘味待聞韶

又

西山雪外巢松客南岳巖前洗鉢僧平日寄懷常在此

秋風剗欲辦行滕

又

窗扉寂寂秋將晚
燈火昏昏夜向闌
不是算年能耐病
道人心地本來寬

病中自遣

孤燈如露螢熠熠
北窗下我亦氣僅屬
厭厭迫衰謝
平生更事熟
生死等晝夜
行年八十五
八十九已化
雖云病惱侵
處此亦閒暇
人扶時出門
清溪帶茆舍

又

一鴉振羽鳴窗色忽已縞衆鳥次第來各矜語言好病
夫正擁被宛若兒在襁跣婢職衣襦了童謹除埽紅日
已入簾吾豈尚恨早悠然一盃粥頑鈍聊自保

又

少時揣無才一意守貧賤窮閭依馬磨小石寫驢券中
年更可笑顛顛客異縣何曾得一飽塵土空滿面即今
况已病百衰相俱見雖然亦自重未忍悲秋扇

八月二十三夜夢中作

道士上天鶴一隻老僧住菴雲半間去來盡向無心得
癡黠相除到處閒江山千里互明晦魚鳥十年相往還
高巖縹緲人不到醉中為子題其顏

病少間作

身如水有漚病如雲無根方其未散間妄謂有我存漚
壞水渺然雲滅寧遺痕回首乃可笑妄想生怨恩念我
曩昔時一笏朝帝閭既老復何為釣魚石帆村今年病

卧久慘痛不可言一念忽超詣二豎皆忙奔吾居本廣大談笑決其藩還持一尊酒往酹湘水魂

秋晚幽居

吳中秋晚氣猶和疾豎其如此老何鳥語漸稀人睡美木陰初薄夕陽多埽園日日成幽趣撫枕時時亦浩歌車轍久空君勿歎文殊自解問維摩

病中思出遊

病境雖猶在秋天亦自清閒思尋酒伴嬾畏主詩盟煙

艇桐江去籃輿剡縣行
會心隨處住便足了餘生

九月初作

莫笑衡茆陋幽情得細論
客踈慙歡醺僧熟認敲門
杳杳煙中剝昏昏雨外村
登高負今歲老病易消魂

四日夜雞未鳴起作

放翁病過秋忽起作醉墨
正如久蟄龍青天飛霹靂
雖云墮怪奇要勝常憫默
一朝此翁死千金求不得

卧病雜題

咬咀初成藥，咿啞半掩扉。病知身健樂，閒覺宦遊非。
小澗看猿飲，枯筇擁鶴歸。今朝更堪喜，書札得淮淝。
是日得五

郎廬
州書

又

鷗鷺馴亭沼，琴書悅性靈。身叨鄉祭酒，孫為國添丁。
煙浦收菰菜，秋山斲茯苓。虛名吾所薄，未應少微星。

又

陋室拖床迤窮閭，問疾踈加餐。惟是粥弄筆，不成書盍。

盍新篋酒青青小摘蔬客來邀褫帶聊示小勤渠

又

終日常辭客經秋半在床愛窮留作伴諳病與相忘竈

婢工烹粥園丁習寫方

久病家人作粥遂佳蓋朝夕常為之也又有山僕本不識字因

久合藥遂能寫藥方數大篇

今朝有奇事久雨得窗光

又

人間跛男子物外病維摩

病中遂牽攀病右足

但可妨趨拜何因

廢歡歌菜羹醯醬薄村巷棘茨多舉手謝鄰父非君誰

肯過

讀華陀傳

六籍雖殘聖道醇中更秦火不成塵華陀老黠徒驚俗
吾豈無書可活人

家山

鹿食苹時猶命侶鶴冲霄後尚思歸家山不忍何山隱
稽首虛空懺昨非

九月十一日疾小間夜賦

清夜房櫳燈火微此心病起更依依空驚床下莎蟲語
不見梁間巢燕歸蒼硯有池殘墨在白頭不櫛亂書圍
可憐未遽忘風月猶夢華觴揷羽飛

又

病後衣巾盡覺寬挈提裘領喟然歎孤燈不焰熒熒碧
小雨無聲慘慘寒只道清心灾自退豈知非意病相干
平生最愛秋搖落惆悵今年怯倚欄

一病七十日

一病七十日共疑無復生隄全河漸復師濟寇將平縹
緲香雲散颼颼藥鼎鳴庭前有殘菊自笑尚闕情

西郊

七十辭北闕五畝寄西郊泳水魚依藻摩雲鶴結巢
僧時問疾卜叟或論交社櫟天全汝寧當歎繫匏

蔬食

肉食從來意自疑齋盂况與病相宜老羝昔作春蔬崇
斷烹今無晚釣詩陌上煙苔誰采采牆陰風葉正離離

人生飢飽初何校一斛檳榔笑汝癡

乙巳秋算獨酌

第一首
六韻

孤雲繫不定野鶴籠難馴賣藥句曲秋沽酒天台春中
原幾流血四海一閒人邀月對我影折花揷我巾花月
成三友江海為四鄰何敢忘吾君巢由稱外臣

又

安期與羨門秦漢迹已陳不如東平公一劍隱紅塵醉
歌題市樓墨色粲如新叱咤興風雲約束山川神從我

者誰歟夜渡黃鶴津

又

山陰老道士寄情魚鳥中
幽戶綠蘿月孤舟白蘋風
豈無小竈熟尊杓誰與同
邂逅得知心一見歎猶龍

又

湖中有隱士或謂千歲人
大兒嚴子陵小兒賀季真
姓名莫能知況可得踈親
有竿不釣魚秋晚香粳新

秋晚

春將愁病至秋與病相終過望猶賒死扶衰又入冬撥
香開社瓮帶睡聽晨鐘嬾放君無誚天公儘見容

病中遣懷

人生長短無百歲八十五年行九分堪笑癡翁作點計
欲將繩子繫浮雲

又

放生何足為愛物施藥因行聊結緣山舍老翁無事業
只將閒事占流年

又

鮮肥莫事膚寸舌蕭散何辜七尺軀山路豈無孤店宿
渡頭亦有小舟呼

又

家貧不與身添業病久寧非天儆予埽盡世間閒忿慾
小園煙雨種春蔬

又

菰芥煮羹甘勝蜜稻粱炊飯滑如珠上方香積寧過此

慙媿天公養病夫

又

開皺紫栗如拳大帶葉黃柑染袖香天與山家講鄰好
江天昨夜有新霜

六言

滿帽秋風入剡半帆寒日遊吳問子行裝何在帶間笑
指葫蘆

又

不慕生為柱國何須死向揚州但願此身無病天台剡
縣閒遊

野興

著草晨占大易爻松肪夜借隱書抄飢時每就猿分果
宿處時從鶴寄巢旋賣荆薪持取醉偶逢野叟即論交
頽然坐閱人間事耐辱禁愁却自嘲

遠遊

壯年不作故山歸老去方知浪走非挂日片帆吳赤壁

嘶風足馬蜀青衣交遊雖廣知心少香火徒勤願力微
堪笑只今成底事青燈無恙且相依

反遠遊

賣却貂裘買釣舟久將身世付悠悠行歌西郭紅橋路

爛醉東關白塢秋

皆山陰近郊地名

夜泊驛亭觀月上曉登僧

閣聽猿愁一生身屬官倉米剩喜殘年得自由

病著

病著今年劇衰來次第新茅茨安久處芻豢罷前陳零

落閒邊句逍遙事外身
村東褚草草一笑得常珍

梅市

小雨長堤古寺西
不容羸馬惜障泥
時平道路鈴聲少
歲樂坊場酒價低
煙樹淺深山驛近
野歌斷續客魂迷
殘軀不料重來此
一首清詩手自題

梅市書事

羸馬孤愁不可勝
小詩未忍付曹騰
一聲客枕江頭雁
數點商舩雨外燈

病減

病減停湯熨身衰賴按摩書虧平日課睡比故年多龜
卜占休泰醫方較闕訛有時還一笑隔浦起漁歌

幽居即事

山崦可伐薪稻壠可負耒但令二事集一飽已有在霜
林兩株橘春圃數畦菜仁哉造物心乞我曾不愛炊烹
付樵青鉏灌賴阿對乃翁亦自為高枕聽晨碓

又

書几積流塵硯池漬淺墨老夫自省事童子豈不力人
生適可爾過計亦何得胡為棄梨棗日夜長荆棘洗汝
侈汰心去汝驕吝色一菜飽有餘奚取萬錢食

羸疾

羸疾止還作已過秋算時但當名百藥那更謁三醫強
飯幸如昨清遊元有期新霜宜野店行矣不須疑

九月二十五日雞鳴前起待旦

堪笑枯腸漸畏茶夜闌坐起聽城笳爐溫自撥深培火

燈暗猶垂半結花
斷夢不妨尋枕上
孤愁還似客天涯
埽塵拾得殘詩藁
滿紙風鴉字半斜

秋夕排悶十韻

湖海雙歸棹蓬蒿一病翁
幽居天鏡北別墅石帆東
雲岫翩孤鶴煙汀渺斷鴻
一從生白髮幾見落丹楓
獨立中庭月歌眠滿院蛩
藜羹晨糲白葑火夜爐紅
物外緣雖薄塵中念已空
放魚從長者累塏伴羣童
野寺觀冬懺鼓祠禱歲豐
行歌與坐睡處處現神通

宴坐

氣住即存神心安自保身誰歟二豎子卓爾一真人氣
泝如潮上津流若酒醇幽居幸無事莫玩物華新

又

周流惟一氣天地與人同天道故不息人為斯有窮蛟
龍上雲雨魚鳥困池籠宴坐觀玄理吾其若發蒙

小室

術淺難醫忘文疎不送窮詩囊逢厄運藥裹少新功小

室香凝碧明窗日射紅鄰翁來問疾少話莫匆匆

舟次浦口

吾孽本自作此生元有涯三江去浩蕩一舫任嘔啞賣
藥村村市炊粳處處家相逢喜亡恙不敢厭喧譁

開爐

餘疾三分在閒愁一點無書能伴孫讀身欲却人扶霽
日鴉鳴樂清霜草蔓枯南山送僧炭隨事且開爐

散懷

東行西行一日過深酌淺酌萬事休亦知衣食將不繼
老甚安能懷百憂

又

中年絕慾不復念今日肉食夫何難天公賦與本來薄
一槩埽空方少安

劍南詩藁卷八十四

欽定四庫全書薈要卷一萬五千五百七十五

集部

劍南詩藁卷八十五

宋 陸游 撰

子虞當以十月離淝上喜而有作

十月霜侵客子衣
片帆計已發淮淝
山林獨往我何敢
州縣徒勞兒未非
傳舍方寒索調護
里門終日待來歸
解裝且共燈前語
萬事真當付一欵

病來

抱疴雖可驗應接每安徐正使須彈塞寧當快埽除寡
言方禍始省事養灾餘一飽吾何欠香粳薦美蔬

舟中晨起

天宇清寒病體輕煙波聊復事宵征艣橫舟尾霜如抹
犬走籬根葉有聲蕭尹威名空赫赫班侯智畧本平生
不如歸結迎神社長笛圍輦送此生

江村

江村連夜有飛霜柿正丹時橘半黃轉枕却尋驚斷夢

撥爐偶見焚殘香
醫無絕藝空三易
死與浮生已兩忘
拈得一書還嬾看
卧聽孫子誦琅琅

兀兀

兀兀心非睡惺惺
口不言齒津生頰
舌鼻息撼牆垣書
媿兒童問年叨里
巷尊貧家有喜事
黍酒帶醅渾

道懷

織罷化吾拔棋終
爛汝柯藥靈刀七
足語妙立談多植
浦吹橫笛桐江買
短蓑白鷗真可友
萬里渺煙波

柯山道上作

道路如繩直郊園似砥平山為翠螺踊橋作彩虹明午
酌金丸橘晨炊玉粒杭江村好時節及我疾初平

病後自詠

狂豪埽去得衰殘數啜芳醪興亦闌閉戶交朋踈索盡
捐書日月破除難盤除鮮食生蔬美衣聳吟肩束帶寬
賴有一條差自慰高眠常到日三竿

十月九日

酒開甕面撲人香
菊折霜餘滿把黃
我是化工君信否
放遲一月作重陽

三三孫十月九日生日翁翁為賦詩為壽

正遇重陽一月時
龜堂驩喜抱孫枝
棄襦已足驚闕吏
堆笏寧惟取世資
落筆千年猶細事
讀書萬卷要深期
汝翁豪傑非今士
不用擔簦更覓師

江路

江路最初程
飄然兩屨輕
少留雲際宿
徐待月明行
雁

起平沙影泉輕斷岸聲誰知遊剡興不減上青城

初冬

落葉紛紛十月時今年霜比去年遲山猿引子飲幽澗
枝鵲結巢爭墮枝嶺北片雲生峭絕橋東殘水漾淪漪
病衰自怪詩情盡造物撩人乃爾奇

又

落葉窗前已作堆地爐微火撥殘灰夢中無祟敗蔬圃
飯後有歌誇芋魁裊裊青笳催日晚蕭蕭新雁帶寒來

更寬十日可閒出會挈一壺尋早梅

夜坐

餅餌支遙夜薪烝禦早寒卧聞風浩蕩起視斗闌干雞
怯飛霜重鴉驚出月殘挑燈搔短髮顧影發吾歎

又

藥裏關心處篝燈照影時文書用遮眼棗栗可無飢素
業存農圃頽齡迫耄期蓋棺萬事已唯負國恩私

殘菊

殘菊一枝香未殘夜窗拈起百回看過時只恐難相笑
我是三朝舊史官

久病

卧疾閱三時冥冥不自持婢諳曾製藥犬識舊迎醫質
貸交親厭呻吟里巷知有時推枕起清歡尚能奇

病小愈喜晴

雲邊采藥喜身輕燈下觀書覺眼明擾擾已空浮世事
依依還作苦吟聲又為天地幾年客頓覺軒窗三日晴

深媿山童憐寂寞風爐傳法煮蕪菁

租稅

占星起飯犢待月出輸租遇嶮頻呼侶扶轅數戒奴畏
飢懷餅餌愁雪備薪樗意象今誰識當年賦兩都

初寒

雨霽林猶滴泥新路易乾蕭條山步晚顛顚客衣單小
女收魚笥童兒放鴨欄初寒豈不好衰病自無歡

呻吟

呻吟半歲掩柴扉性命惟存氣力微夙業豈能逃馬麥
窮居賴是慣牛衣濁清且復分賢聖今昨誰能論是非
一段光明君記取要知無念是真歸

山墅

煙水煙林老結廬人間用短更誰如
輭蒲穩背供危坐
小幟障燈便細書莫欺衰病歸山墅
曾領諸儒上石渠
貞觀開元嗟已遠為君試說紹興初

十月二十四日夜夢中送廬山道人歸山

平生不到三公府晚歲歸來五老菴
夙士極知成殿後吾曹所賴作司南
孤舟夜泊灘聲惡小瓮晨香雪意酣
笑語床隅拄杖子即今惟汝是同參

病後晨興食粥戲書

蝴蝶莊周安在哉達人聊借作嘲詆
不知此自隨緣住更把晨窗粥幾盃

贈僧

松間數語淡交成不喜將身上行安
得北窗風雪夜

地爐相對煮蕪菁

又

長明燈下三更雨
旦過寮前萬里身
正使未能超佛祖
也應小勝市朝人

遊山

一生萬里著行滕
抖擻塵埃尚未能
不怕語音時帶刺
敢辭生計畧如僧
疎梅漸動清溪曲
霽雪遙看古堦層
喚起故年清絕夢
數聲柔艣下巴陵

又

蕭然破帽伴枯藤
逢著青山不厭憎
家似江淮歸業戶
身如湖嶺罷參僧
煨柴夜宿寒爐火
洗繡晨敲古澗冰
果向此中能得趣
官途捷徑不須曾

又

九十衰翁心尚孩
幅巾隨處一悠哉
偶扶拄杖登山去
却喚孤身過渡來
酒市擁途觀鬼我
僧廬借榻寄吟臺
吾生清絕煩君看
不枉人間夢一回

農圃歌

我不如老農占地畝一鍾東作雖有時力耕在茲冬張
燈觀夜織高枕聽晨春時時喚鄰里旨蓄亦可供我不
如老圃父子日相從一鋤萬事足不求定遠封春泥剪
綠韭秋雨畦青菰放筍有餘味豈不烹飪噉乃者半年
病清鏡滿衰容塵生一鞵屐壁倚一枝筇惟有呻吟聲
和合床下蛩青燈照兀兀布衲聊自縫

贈拄杖

歷險橫空捷有神得來元自剡溪濱同為萬里江湖客
共見三生風月身不怕雲中伴鳬鳥只愁雨後長龍鱗
何妨更悟無生理露柱燈籠一話新

贈猫

執鼠無功元不効一簞魚飯以時來看君終日常安卧
何事紛紛去又回

宮詞

秋露蕭蕭洗秋月夢斷陳宮白銀闕臨春結綺底處所

回首已成狐兔穴

病中雜詠十首

各四韻第八首二韻

半年不讀書顧影疑非我乃知百年中如此過亦可書
能作汝崇識字果非福明年倘未死樂哉駕黃犢

又

伐性無蛾眉腐腸無旨酒齋居亦得疾果無第一手才
不如嵇康踈嬾則過之雖有絕交書不作幽憤詩

又

華陀囊書久已焚思邈玉函祕不聞從醫火攻固下策
遣化飯香方普黨觸人正自坐愚直學道今當輸拙勤
勿言將智耄已及後死或可與斯文

又

擊壤林間送此生欣欣東作到西成泥深宿麥苗初長
葉落柔桑眼已生枹鼓無聲盜衰息文書簡出吏清平
西遊攜得蹲鴟種且共山家玉糝羹

又

身是人間一老樵城南煙水寄迢迢尋人偶到金家陵
取米時經杜浦橋小市孤村雞喔喔斷山幽谷雨蕭蕭
吾曹自養無能爾楚客應無隱可招

又

身似頭陀不出家杜陵歸老有桑麻茶煎小鼎初翻浪
燈應寒窗自結花殘藥漸離愁境界亂書重理淡生涯
等閒一事還超俗斷紙題詩字亂斜

又

天遠不可問將如此老何老驚詩思退貧欠藥錢多剡
縣尋僧宿桐江買酒歌市橋新柳色又是一年過

又

半黃半綠柳滿城欲開未開梅有情放翁一病又百日
回視新春如隔生

又

久病身猶困閒遊性已成未停湯熨事即理水雲程投
宿忘街陌論交失姓名醉憐花塢好恐是牡丹坪

又

自我居湖曲漁樵日往來只知年屢改不覺老相催小
浦潮痕長長堤草色回逢春心自在莫道已成灰

雪

一夕山陰道真成白玉京衰殘失壯觀擁被聽窗聲

自笑

左車第二牙辭去

見韓文公詩

團坐無生話又新堪笑按摩

并洗沐未忘貪愛夢中身

臘月五日湯沐按摩幾半日是早左車第二牙脫去

絕句

山遮水隔重重堦
雨練風柔處處花
一病半年能不死
又將此恨醉天涯

題藥囊

殘暑纔屬爾
新春還及茲
真當名百藥
何止謁三醫
半夜曦朝日
晨興飲上池
金丹有門戶
草木爾何知

末題

平日尤閒老更閒
一毫世事豈相關
孤雲不散來歸岫

細水無聲自出山支徑過僧纔百步小樓藏藥可三間
客來不肯通名姓熟視吾廬為破顏

又

一身只付雞棲上萬卷真藏椰子中嘉定三年正月後
不知幾度醉春風

病中示兒輩

去去生方遠冥冥死即休狂思攘鬼手危至服丹頭有
劍知誰與無香可得留惟應勤學謹事事鑑恬侯

夢中行荷花萬頃中


天風無際路茫茫老作月王風露郎只把千尊為月俸
為嫌銅臭雜花香


示兒

死去元知萬事空但悲不見九州同王師北定中原日
家祭無忘告乃翁

劍南詩豪卷八十五

謹案卷八十四第一頁後四行舞雩沂上詠歸時
刊本歸時訛時歸與韻不叶今改





總校官庶吉士臣張能照

校對官編修臣裴謙

謄錄舉人臣洪道濟